



Anna Wangenheim  
Inatsisartunut ilaasortaq, Demokraatit

26-06-2024  
Sulap normua- 2024 - 12996.  
Allagaatip suussusaa:  
24298867

## § 37 naapertorlugu apeqquiti nr. 133/2024-p akineqarnera

Postboks 1160  
Oqarasuaat:  
34 50 00  
Fax: 34 55 05  
3900 Nuuk  
Mail: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

Asasara Anna Wangenheim

Inatsisartut suleriaasianni § 37-mi, imm. 1 naapertorlugu Naalakkersuisunut apeqquiteqarputit. Apeqquiti uagutsinnit akisassanngorlugit innersuussutigineqartut qujassuteqarfigaagut.

Apeqquiti issuarneqartarput tamatumalu kingorna akineqarlutik.

- Qatserisut-ni atorfirmut atasumik inissiat akisualaarnerisa misissornissaanut suleqatigiissitamik Peqqissutsimut Naalakkersuisup pilersitsiniarluni neriorsuutaata suliaa sumut killippa?**

Akissut:

Suleqatigiissitap iliuusissatut pilersaarummut siunnersuutaa Naalakkersuisut 17. Juni 2024-mi ataatsimiinnerminni oqaluuseraat, ukiumoortumillu Illuut A/S-imut pisortanit erniaqanngitsunik akilersugassartaqanngitsunillu 3,0 mio. kr.-nik katillugit ukiuni 18-ini taarsigassarsititsinissamut Aningaasaqarnermut Akileraartarnermullu Ataatsimiititaliap akuersinissaanut qinnuiginninnissamik aalajangiisoqarpoq. Akiitsui katillugit 54 mio. kr.-iussapput. Qatserisunut taamaallaat taarsigassarsititsisoqassaaq, aningaasalersuinermilu aningaasartuutit appartinneqarnerinut atorneqassaaq, tamannalu tunuliaqutigalugu Qatserisuni napasulianut pingasunut ineqarnermut akiliut naatsorsorneqassaaq. Attartortunut aningaasaqarnikkut sunniutai takussutissiaq 1-imi takuneqarsinnaapput aamma sulisut aningaasarsiaat akileraarutaasussat matumani sunnerneqassanngillat.

Takussutissiaq 1: Kvadratmeterimut ataatsimut kiisalu inissianut angissutsinut assigiinngitsunut ineqarnermut akiliutit ataani takuneqarsinnaapput, Illuut A/S-imut ukiumut 3,0 mio. kr.-inik pisortanit taarsigassiissutitallit

<b>Qatserisut eqqaanni napasuliat</b>	<b>Kvadratmeter imut ataatsimut ukiumut ineqarnermut akiliut</b>	<b>Qaammam mut ataatsimut ineqarner mut akiliut</b>	<b>Qaammam mut ataatsimut ineqarner mut akiliut</b>	<b>Sisamanik initalimmut qaammam mut ataatsimut</b>
		-	-	

		marlunnik initalimmut	pingasunik initalimmut	ineqarner mut akiliut
<b>Ineqarnermut akiliut pisortanit nutaamik taarsigassarsiaqarfiun ngitsoq</b>	1.614	11.171	14.804	17.496
<b>Ineqarnermut akiliut pisortanit nutaamik taarsigassarsiaqarfius oq</b>	1.447	10.006	13.261	15.673
<b>Nikingassut</b>	- 167	- 1.165	- 1.543	- 1.823

AI 2024-mi konto pingaarneq 20.11.70 Suliniutinut nutaanut sillimmatini peqqinnissaqarfimmi sulisunut inissianut 2023-mit ukiumut 3,0 mio.kr.-nik immikkoortitsisoqarpoq, taakku kontumut pingaarnermut nutaamut 34.01.07 Qatserisunut taarsigassarsianut (Tapiissutitut aningaasaliissutit) atortussanngortillugit qinnutigineqassapput. IST-mut tunngatillugu aningaasaliineq taamaalilluni aningaasartuutitigut sunniuteqassanngilaq. Periuseq taanna AIS 2025-mi ingerlateqqinneqassasoq qinnutigineqassaaq, aningaasaliinermut aningaasartuutit appartittuarneqarnissaat siunertaralugu, taamaalillunilu aamma Qatserisuni inissianut 90-inut ineqarnermut akiliutit appartinneqassallutik.

**a. Naalackersuisut suliamut soqutiginaatilinnik allanik paasissutissiisinnaappat?**

Akissut:


Isummernissamut tunngavissiaq Aningaasaqarnermut Akileraartarnermullu Ataatsimiititaliami ulloq 25. juni 2024 suliarineqassasoq naatsorsuutigineqarpoq, ataatsimiititaliallu siunnersuut ilalerpagu aallartinneqassaaq.

**2. Naalackersuisut pineqartumut allanik paasissutissiisinnaanerlutik?**

Akissut:

Suliaq Ilaqutariinnermut Peqqissutsimullu Ataatsimiititaliamut kiisalu Sanaartornermut Ataatsimiititaliamut paasissutissiissutitut saqqummiunneqassaaq.

Inussiarnersumik inuulluaqqusillunga  
Med venlig hilsen

  
Agathe Fontain